



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O IMPLEMENTACIJI PLANA DJELOVANJA ZA MLADE

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



UVOD

Programom rada Gradskog vijeća Grada Sarajeva za 2023. godinu planirana je realizacija teme *Informacija o implementaciji Plana djelovanja za mlade* kvartalno, odnosno u mjesecima aprilu, julu, oktobru te januaru 2024. godine. U skladu sa navedenim Programom, pripremljena je Informacija o implementaciji Plana djelovanja za mlade za drugi kvartal 2023. godine, a koja predstavlja aktivnosti poduzete u protekla tri mjeseca u skladu sa Planom djelovanja za mlade Grada Sarajeva.

IMPLEMENTACIJA PLANA DJELOVANJA ZA MLADE GRADA SARAJEVA

Kada je riječ o aktivnostima koje su u proteklom periodu provedene implementirajući Plan djelovanja za mlade, Grad Sarajevo je posredstvom Gradske službe za obrazovanje, sport, kulturu i mlade, a u skladu sa mogućnostima, podržao projekte gdje su mladi ciljna skupina te pružio podršku ovoj populaciji i u različitim oblastima.

OBLAST KULTURE I AKTIVIZMA

Korisnik	Projekat	Iznos sredstava
Udruženje mladih umjetnika	<i>Finansijska podrška projektu „15. Omladinski Film Festival“</i>	10.000,00 KM
Udruženje za socijalni, kulturni i kreativni razvoj „ZORA“	<i>Finansijska podrška projektu „Sarajevo EYC Corner“ (promoviranje kandidature Sarajeva za titulu Evropske prijestolnice mladih 2026. te prikupljanje povratnih informacija od mladih o njihovim potrebama i ograničenjima u gradu)</i>	5.000,00 KM
Udruženje „K.U.N.S.T.“	<i>Finansijska podrška održavanju panela Utjecaj tehnologije i okruženja na razvoj djece i mladih u okviru projekta „6. MAMF Konferencija za mame“;</i>	2.000,00 KM

(Sa budžetske pozicije Implementacija/realizacija/provođenje Plana djelovanja na mlade Grada Sarajeva, putem službe nadležne za rad s mladima u 2023. godini utrošeno je ukupno 21.000,00 KM)

EVROPSKA PRIJESTOLNICA MLADIH 2026

Grad Sarajevo je ušao u uži izbor za Evropsku prijestolnicu mladih 2026. godine.

Želimo iskazati ponos što je Sarajevo ušao u uži izbor za prestižnu titulu Evropska prijestolnica mladih 2026 i naglasiti da je taj uspjeh, između ostalog, i rezultat odlične saradnje Grada sa omladinskim organizacijama koje su zajedničkim naporima osigurali da se Sarajevo nađe na listi pet najuspješnijih gradova kandidata. Grad Sarajevo i svi koji su uključeni u ovaj proces učinit će da mladi, koji su aktivni građani našeg društva, pokrenu svoju mladalačku energiju i kreativne inicijative usmjere ka sticanju znanja, jer samo tako možemo graditi bolju i perspektivniju budućnost.

Titula se gradovima koji apliciraju upravo i dodjeljuje s ciljem osnaživanja mladih, poticanju njihovog učešća u zajednici i jačanju evropskog identiteta zajednice i zemlje koja aplicira. Svake godine svi evropski gradovi koji nastoje mladima omogućiti prilike za snažan doprinos i razvoj, ali i da se njihov glas čuje, imaju priliku aplicirati i osvojiti titulu Evropske prijestolnice mladih.

Titulu za 2023. godinu nosi grad Lubin iz Poljske, dok su titulu nosili Tirana za 2022. i Novi Sad za 2019. godinu. Sarajevo po prvi put aplicira i itekako ima potencijala da nosi ovako važnu titulu i zajedno s mladima gradi Sarajevo po mjeri mladih.

Važnu podršku ovoj aplikaciji daju krovne organizacije mladih: Vijeće mladih Općine Novo Sarajevo, Vijeće mladih Općine Stari Grad, Vijeće mladih Općine Novi Grad te Vijeće mladih Federacije BiH. Prvi korak, kreiranje koncepta, je završen, a u narednom periodu slijedi daljnji razvoj programa i pune aplikacije te konačnu odluku očekujemo u novembru ove godine.

Mladi su srce Sarajeva: Dijalog mladih i vlasti”

Dana 13. juna 2023. godine održan je događaj jedinstvenog naziva „Mladi su srce Sarajeva: Dijalog mladih i vlasti” kojeg je otvorio zamjenik gradonačelnice Grada Sarajeva Haris Bašić.

Događaj je bio namijenjen motiviranim mladim osobama koje žele predložiti, inovirati i osmišljavati kreativna rješenja za stvaranje perspektivnije budućnosti za mlade u Sarajevu. To je ujedno bila izvanredna prilika da sa donosiocima odluka i predstavnicima vlasti razgovaraju o konkretnim idejama i aktivnostima iz različitih oblasti koje će biti sastavni dio programa za dobivanje titule Evropske prijestolnice mladih. Ovakav vid saradnje je neophodan ukoliko želimo ostvariti intenzivniji pristup politikama prema našoj omladini te ih uključivati u procese donošenja odluka.

Skup je završen potpisivanjem Sporazuma o saradnji Grada Sarajeva i četiri gradske općine kojim se još jednom daje podrška Sarajeva ovom projektu, ali i pokazuje spremnost za kreiranje boljih prilika za mlade.